

# عبدالله الشريف يواصل تألقه بـ "إنت تعرف" (فيديو)



الاثنين 3 فبراير 2014 12:02 م

مونتاج وإخراج / أحمد الذكيرى .  
كلمات وأداء / عبدالله الشريف .  
تصوير / أحمد الفيل ،

الكلمات :

- مين اللي يعرف أنهو عصر الحرية كات فى مصر ؟  
إنت تعرف ؟ إنت تعرف ؟ إنت تعرف ؟

أيوة أنا أعرف وإنت عارف وإنت شايف بس خايف  
تعرف إنت فى حكم مرسي كنت ممكن أجيبلى كرسي  
فى أى شارع ملو حسي أقول ده ظلم فى مية ميدان  
إنهاردة يا حج ناشط لو يهينك أى ظابط  
تفتكر مين راح يغيثك الحرية كات زمان

- طب مين اللي يعرف الحكاية يحكيها لنا مالبداية ؟  
إنت تعرف ؟ إنت تعرف ؟ إنت تعرف ؟!

الحكاية باختصار إن الشعب لما ثار  
يوم ما نزل ثورة يناير لما مبارك يومها غار  
كنا فاكرين البيادة جاية بطعم تانى جديد  
طلعت البيادة سادة وبتحكمننا بالحديد  
والإعلام بتاعنا عادى كات أخباره مالفضاء  
والفلول ليهم أيدى جوة الشرطة والقضاء  
لو تشيل نعل البيادة تلقى جواها شراب  
الشراب فى حد ذاته عارف ان ده انقلاب

- مين اللي قال إنه إنقلاب ؟! مين لسيرته حتى جاب ؟!  
إنت تعرف ؟! إنت تعرف ؟! إنت تعرف .

اللى يخرس الجبان اللي خايف مالמידان  
اللى فعهد مرسي ثاير وإنهارده مالوش لسان  
اللى ديله قد إيده ومسمي الإخوان خرفان  
اللى سايب البلطجية وبيتشطر عالسنوان  
فى البطاقة إسمه عنتر فى البيادة إسمه حنان

- طب مين اللي يعرف اللي خان ؟! و اللي عهده مالوش أمان ؟!  
إنت تعرف وإنت تعرف بس يا ريت إنت اللي تعرف

اللى خان هو الخسيس اللى يحبس الرئيس  
اللى بيعارض فى عهده ينحبس ويموت فطيس  
ياللى تسريبات سيادتك تيجى كل يوم خميس  
فجر قسم وكام مديرية وإبعت هات البلطجية  
نفس التيرم عيده تانى نفس الوصفة هى هى  
بردو فاشل فى الإعادة والمجموع خمسين فى المية

- طب خلاص أنا إنقلابى ، وإنت إخوانى وإرهابى  
يلا برة ، يلا برة ، يلا برة

هى تهمة العويل أى حد ليه لسان  
يبقى خاين أو عميل أو خلية مالاخوان  
لو تنافق أو تحور فى البلاد دى تكون مدير  
لو هتسرق أو تزور يعكن راج تمسك وزير  
أما لو تقتل سيادتك المكافأة تكون مشير  
لو تعمل مليون دستور ولا تكون ريس بالزور  
بردو الثورة فى الشوارع كل ظالم جابله دور  
ده اللى خلق الكون بحاله خلى الفجر بعده نور